

Gvangjsih Minzcuz Bau

Cawjguenj: Gvangjsih Bouxcuengh Swcigh Minzcuz Cunghgyau Swvu Veijyenzei

Cawjbanh: Gvangjsih Minzcuz Bause

Geiz neix 8 banj

广西民族报

Aenhauh okbanj: CN45-0036

B.2022

Nd.8

Ng.3

Liggaeuq nyaemzyinz nienz ndwencaet coroek

Geizsoq: Gungh daih 3535 geiz

Guekgya Minzveij Dangjcuaj Cienz Hag Gij Cingsaenz Aen Ban Ciendaez Yenzdauj “Hag Gij Cingsaenz Gangjvah Youqgaenj Siz Ginbingz Cungjsuhgi, Ciepcoux Ngeihcib Daih Dangj” Swngjbu Gaep Cujoyau Lingjdauj

国家民委党组传达学习省部级主要领导干部 “学习习近平总书记重要讲话精神，迎接党的二十大”专题研讨班精神

7 nyied 30 hauh, Guekgya Minzveij hai aen hoih dangjcuaj, cienz hag gij cingsaenz aen ban ciendaez yenzdauj “hag gij cingsaenz gangjvah youqgaenj Siz Ginbingz cungjsuhgi, ciepcoux Ngeihcib Daih Dangj” swngjbu gaep cujoyau lingjdauj.

Aen hoih ceijok, youq hai Ngeihcib Daih Dangj gaxgonq, Dangj-cunghyangh banh aen ban ciendaez yenzdauj “hag gij cingsaenz gangjvah youqgaenj Siz Ginbingz cungjsuhgi, ciepcoux Ngeihcib Daih Dangj”, miz yihi hungnaek. Gij gangjvah youqgaenj Siz Ginbingz cungjsuhgi, gohyoz faensik le gij hingzseiq gozci ndaw-guek seizneix, lwnhgangj le hong 5 bi gvaqbae caeuq gij bienq hungmbwk 10 bi seizdaih moq, lwnhgangj le aen lijn hunnaek caeuq vwndiz saedguh

seizdaih moq dingmaenh caeuq hwnghat sevei cuji miz daegsaek Cungguek, gangj mingzbeig le aen dacwng fuengcim caeuq hengzdoengh ganghlingj hwnghat dangj caeuq guekgya saehnieb duenh seiz cog-laeng, daezok baenzroix swhsiengj laegdaeuq, buenqduenh hungnaek caeuq banhgap youqgaenj, miz cwngci, lijn, cijdauj haenq dangqmaz, dwg bien vwnzyen ganghlinghsing Maj-gwzshw Cuji ndeu, vih daengx dangj doengjit swhsiengj caeuq hengzdoengh ciepcoux Ngeihcib Daih Dangj hai ndaej baenz roengz ndei giekdaej cwngci, giekdaej swhsiengj, giekdaej lijn youqgaenj, vih doicaenh cienzmienh hwnghat sevei cuji yendaiva gunghawj cijdauj caeuq ciupei youqgaenj.

Aen hoih giengzdih, 5 bi gvaqbae caeuq 10 bi seizdaih moq dangj, aenvih miz Siz Ginbingz Cungjsuhgi dangguh vaedsim dangjcuanghyangh, vaedsim daengx dangj gaem dox lingxdaeuq, miz gij swhsiengj sevei cuji miz daegsaek Cungguek seizdaih moq gohyoz ceijvix, ndigah raeuz ndaej yungh baenzroix banhgap miz canloz, doicaenh baenzroix saedguh miz bienqvaq, saedyienh baenzroix cingzci baenaj miz dwkbyoengq, aeundaiej baenzroix cwngzgoj miz daegsaek, gungroengz haujai nanz-daez ciengzgeiz mbouj gaijgez de, banh baenz haujai saeh hung gvendaengz coglaeng de, cwngci, ginghci, yisiz hingzdai, swyenzgai daengj fuengmienh ginggvaq haujai fungyiemj deuqnyex cungj dingj ndaej,

dangj caeuq guekgya saehnieb aeundaiej cingzci doenghbaez caengz miz gvaq, miz bienq doenghbaez caengz raen gvaq.

Aen hoih iugouz, Guekgya Minzveij hidungj au cietsaed dawz swhsiengj caeuq hengzdoengh doengjit daengz gij cingsaenz gangjvah youqgaenj Siz Ginbingz cungjsuhgi, doengjit daengz gij anbaiz baijbouh Dangjcuanghyangh, itcig baujmaenh gij cingsaenz gag gwzming, guh ndei cukmaenh gij eijsik caezcaemh Cunghvaz Minzcuz, gyagiengz gak hangh hong hwnghat aen minghyinh caezcaemh Cunghvaz Minzcuz, yungh hengzdoengh saedsaeh ciepcoux Ngeihcib Daih Dangj hai ndaej baenz.

(Guekgya Minzveij)



Sanhgyangh: Goekndoeng Ciengx Rwi Coengh Laisou

三江：林下养蜂助增收

7 nyied 30 hauh, vunzmbanj youq Sanhgyangh Duncuz Swciyen Duzdung Cin Yimaj Cunh Mbanjgahyij sou dangzrwi. Bineix, aen mbanj neix baengh diuzgienh ndei, doenggvaq “hozcozse+nungzhu+dinghdan”, youq goekndoeng ciengx rwi, seizneix gungh ciengx rwi 600 rongz, gujsuenq sou ndaej dangz 3000 goenggaen, dij cienz daih’iek 60 fanh maenz, bangrengz vunzlai gyalai diuzroen laisou baenzmiz.

(Gungh Bujgangj ingj)

Duh’anh: Canjnieb “Hoengzfwd” Bang Saenqhwngh 都安：“火红”产业助振兴

Seizneix, cingq dwg seiz lwgmanh baenz, Duh’anh Yauzcuz Swciyen Cinghswng Yangh ndaw dieggoek ndaem lwgmanh, lwgmanh gogo dawz aen “hoengzfwd”. “4 nyied ndaem lwgmanh, aenvih cwngcwz ndei, nungzyez gisuzyen son ndaej rox, lwgmanh baenz lai, yiengh ndei, lauxbanj youh daengz bakdou ranz soucawx, gou baez nduj mbaet gai

ndaiej 1500 lai maenz.” Cinghswng Yangh Dwnghliz Cunh boux duetdungz Lanz Aigyauh cingq mbaet lwgmanh naj riunyunyum naeuz.

Bineix doxdaeuq, aen yangh neix baengh seizndei baihdong baihsae doxgap, ciuq “cihu + gunghshw + nungzhu” hwnghat vunqsik, gaenx-maenz diuzcingj ndaem doenghgo, dazyinx bouxgunnaz ndaem lwgmanh

yungh cienz noix, raen cienz vaiq, ndaej cienz lai haenx, hwnqbaenz dieggoek ndaem lwgmanh 58 moux, doxlien nungzhu 32 ranz, doenggvaq dinghdan soucawx caeuq youq gyawj guhhong, mboujdan hawj nungzhu miz souhaeuq, engq ndaej daiqdoengh canjnieb hoenghvuengh caeuq gyamaenh duetgunz cwngzgoj, bangdoi saenqhwngh lajmbanj.

“Yamq laeng, dou yaek dazyinx nungzhu byaij diuzroen rox gohyoz, ciennieb dajndaem, caenh’itbouh gyalai najdieg ndaem lwgmanh caeuq lai miz gohyoz, hawj engq lai vunz ndaem lwgmanh ndaej ik, ndwenngoengz gvaq ndaej hoengzfwd lumj lwgmanh nei.” Cinghswng Yangh Dangjveij suhgi Yangz Yenz naeuz.

(Lanz Yi Vangz Lidingsz)